



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1931 წლის აგვისტოს 31.</p>	<p>№ 16 განყოფილება პირველი</p>	<p>ა/კფსრ სახალ. კომისართა საბჭოს საქმეთა მმართვე- ლობის მიერ გამოცემული.</p>
-----------------------------------	--	---

შ ი ნ ა ა რ ს ი:

**დადგენილებანი ამიერკავკასიის ცენტრალური აღმასრულებელი კომიტეტისა
და აკფსრ სახალხო კომისართა საბჭოსი.**

- მუხ. 190. ა/კფსრ პროკურატურის დებულების დამტკიცების შესახებ.
„ 191. ა/კფსრ უზენაესი სასამართლოს დებულების დამტკიცების შესახებ.

**დადგენილებანი ამიერკავკასიის ცენტრალური აღმასრულებელი
კომიტეტისა**

- „ 192. სასოფლო საბჭოების დათვალიერების თვიურის ვადის განგრძობის შესახებ.

დადგენილებანი ა/კფსრ სახალხო კომისართა საბჭოსი.

- „ 193. 1931 წლის სექტემბრის 1-თვის სამომხმარებლო კოოპერაციისათვის და მომარაგების სა-
ხალხო კომისარიატის შენაერთებისათვის იმ სადგომების გადაცემის შესახებ, რომ-
ლებშიაც წინად ხორცისა, თევზისა, ბოსტნეულისა და რძის ვაჭრობა სწარმოებდა.
„ 194. სარკინისგზო საწყობების თავის დროზე განტვირთვის ღონისძიებათა შესახებ.
„ 195. საუწყებო მილიციის შესანახად საჭირო სპეციალური სახსარის დებულების დამტკი-
ცების შესახებ.

**დადგენილებანი ა/კფსრ სახალხო კომისართა საბჭოსთან
არსებული აღსრულების შემმოწმებელი კომისიისა.**

- „ 196. ა/კფსრ გზატკეცილებისა, ყამირგზებისა და საავტომობილო ტრანსპორტის მთავარი
სამმართველოს და ამიერკავკასიის მებამბეობის კომიტეტის მოხსენების გამო—ბაზმის
გადასაზიდად გზების მზადმყოფობის შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

190. ა/კსფსრ პროკურატურის დებულების დამტკიცების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. დამტკიცებულ იქნეს დებულება ა/კსფსრ პროკურატურის შესახებ.
2. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ—შეიტანონ თავიანთ კანონმდებლობაში ამა დადგენილებიდან და დებულებიდან გამომდინარე ცვლილებანი.

ამიერკავკასიის ცენტრალური აღმასრულებელი
კომიტეტის თავმჯდომარე ა. ანანიანი.

ა/კსფსრ სახალხო კომისართა საბჭოს
თავმჯდომარე მ. ორახელაშვილი.

ამიერკავკასიის ცენტრალური აღმასრულებელი
კომიტეტის მდივანი გ. სულთანოვი.

1931 წ. აგვისტოს 22.
ტფილისი.

დ ე ბ უ ლ ე ბ ა

ა/კსფსრ პროკურატურის შესახებ.

თავი I.

პროკურატურის სტრუქტურა.

1. ა/კსფსრ პროკურატურა იმყოფება ამიერკავკასიის ცენტრალურ აღმასრულებელ კომიტეტთან.

2. ა/კსფსრ პროკურატურის სათავეში სდგას ამიერკავკასიის ცენტრალური აღმასრულებელი კომიტეტის პრეზიდიუმის მიერ დანიშნული ა/კსფსრ-ის პროკურორი.

3. ა/კსფსრ პროკურორს ჰყავს ორი მოადგილე, რომელთაც დანიშნავს ამიერკავკასიის ცენტრალური აღმასრულებელი კომიტეტის პრეზიდიუმი, პროკურორის სამი უფროსი თანაშემწე, რომელთაც დანიშნავს ამიერკავკასიის ცენტრალური აღმასრულებელი კომიტეტის პრეზიდიუმი, ა/კსფსრ პროკურორის წარდგენით, და პროკურორის თანაშემწენი, რომელთა რიცხვიც განისაზღვრება შტატებით და რომელთაც დანიშნავს ა/კსფსრ პროკურორი.

4. ა/კსფსრ პროკურორისა, მისი მოადგილეებისა და უფროსი თანაშემწეების სამართალში მიცემა, დაპატიმრება, პირადად შეპყრობა ან გაჩხრეკა არ შეიძლება ამიერკავკასიის ცენტრალური აღმასრულებელი კომიტეტის პრეზიდიუმის უცნობლად და თანხმობის გარეშე, ხოლო სასწრაფო შემთხვევაში—ამიერკავკასიის ცენტრალური აღმასრულებელი კომიტეტის თავმჯდომარის უცნობლად და თანხმობის გარეშე.

ა/კსფსრ პროკურორის სხვა თანაშემწეების სამართალში მიცემა, დაპატიმრება, პირადად შეპყრობა ან გაჩხრეკა შეიძლება მხოლოდ ა/კსფსრ პროკურორის თანხმობით.

5. ა/კსფსრ პროკურორთან იმყოფებიან უდიდეს საქმეთა გამოძიებელნი, რომელთა რიცხვიც განისაზღვრება შტატებით და რომელთაც დანიშნავს ა/კსფსრ პროკურორი.

6. ა/კსფსრ პროკურატურის ხარჯთაღრიცხვას და შტატებს დაამტკიცებს ა/კსფსრ პროკურორი სათანადო წესისამებრ შემდგომი წარდგენისათვის.

7. ა/კსფსრ პროკურატურასთან მოეწყობა ამიერკავკასიის სატრანსპორტო პროკურატურა, რომელიც მოქმედობს სპეციალური კანონის საფუძველზე.

თავი 2.

ა/კსფსრ პროკურატურის ფუნქციები.

8. ა/კსფსრ პროკურატურას საერთო ზედამხედველობის სფეროში დაეკისრება:

ა) თვალყური ადევნოს ა/კსფსრ სახალხო კომისარიატებისა და სხვა ცენტრალური დაწესებულებების დადგენილებათა კანონიერებას სსრკ-ის კონსტიტუციისა და საერთო-საკავშირო კანონმდებლობისა და სსრკ-ის სახალხო კომისარიატების დადგენილებებისა, აგრეთვე ა/კსფსრ-ის კონსტიტუციისა და კანონმდებლობის თვალსაზრისით, და შემჩნეულ დარღვევათა შესახებ წარუდგინოს მოხსენება ამიერკავკასიის ცენტრალური აღმასრულებელი კომიტეტის პრეზიდიუმს ან ა/კსფსრ უზენაესი სასამართლოს პლენუმს; უკეთუ ა/კსფსრ პროკურორი აღნიშნულ მოხსენებას წარუდგენს ამიერკავკასიის ცენტრალური აღმასრულებელი კომიტეტის პრეზიდიუმს, იგი იმავე დროს ამ მოხსენების ასლს გაუგზავნის ა/კსფსრ უზენაეს სასამართლოს ცნობად;

შენიშვნა. „ა“ პუნქტის მოქმედება (თვალყურის დევნება) არა ვრცელდება ამიერკავკასიის ცენტრალური აღმასრულებელი კომიტეტისა, მისი პრეზიდიუმისა, ა/კსფსრ სახალხო კომისართა საბჭოსი, ა/კსფსრ უმაღლესი ეკონომიური საბჭოსი და ა/კსფსრ სახალხო კომისართა საბჭოსთან არსებული აღსრულების შემმოწმებელი კომისიის დადგენილებებზე;

ბ) თვალყური ადევნოს ა/კსფსრ შედგენილობაში შემავალ რესპუბლიკების ცენტრალური აღმასრულებელი კომიტეტების დადგენილებათა კანონიერებას სსრკ-ის კონსტიტუციისა და საერთო-საკავშირო კანონმდებლობისა და აგრეთვე ა/კსფსრ კონსტიტუციისა და კანონმდებლობის თვალსაზრისით და შემ-

ჩნეულ დარღვევათა შესახებ წარუდგინოს მოხსენება ამიერკავკასიის ცენტრალური აღმასრულებელი კომიტეტის პრეზიდიუმს ან ა/კსფსრ უზენაესი სასამართლოს პლენუმს; უკეთეს ა/კსფსრ პროკურორი აღნიშნულ მოხსენებას წარუდგენს ამიერკავკასიის ცენტრალური აღმასრულებელი კომიტეტის პრეზიდიუმს, იგი იმავე დროს ამ მოხსენების ასლს გაუგზავნის ა/კსფსრ უზენაეს სასამართლოს ცნობად;

გ) თვალყური ადევნოს ამიერკავკასიის სახელმწიფო პოლიტიკური სამმართველოს მოქმედების კანონიერებას;

დ) თვალყური ადევნოს ა/კსფსრ სახალხო კომისარიატებისა და სხვა ცენტრალური დაწესებულებებისა და საერთო-ფედერატიული ორგანიზაციების მოქმედების კანონიერებას, თანაც იმ უფლებით, რომ შეეკითხოს მათ ჩადენილი უკანონო მოქმედება გამო და განაპროტესტოს ეს მოქმედება ამიერკავკასიის ცენტრალური აღმასრულებელი კომიტეტის პრეზიდიუმში ან ა/კსფსრ სახალხო კომისართა საბჭოში—კუთვნილებისამებრ;

შენიშვნა. ა/კსფსრ დაწესებულებათა და საწარმოთა და საერთო-ფედერატიული მნიშვნელობის ორგანიზაციების ადგილობრივი ორგანოების მოქმედების კანონიერებისათვის თვალყურის დევნებას ა/კსფსრ პროკურატურა ანხორციელებს უშუალოდ ან ა/კსფსრ შედგენილობაში შემავალი რესპუბლიკების პროკურორების მეშვეობით;

ე) გაუწიოს საერთო გეგმიანობა, ხელმძღვანელობა და კონტროლი ა/კსფსრ შედგენილობაში შემავალი რესპუბლიკების პროკურატურის მოქმედებას უღარესი მნიშვნელობის სამეურნეო კამპანიების ჩატარებისა, შრომის ურთიერთობისა, სხვადასხვაგვარ დანაშაულობათა წინააღმდეგ ბრძოლის სფეროში და სხვა ამისთ.

9. სასამართლო ზედამხედველობის სფეროში ა/კსფსრ პროკურატურას დაეკისრება:

ა) თვალყური ადევნოს ა/კსფსრ კანონმდებლობის წესიერ და თანაბარ შეფარდებას ა/კსფსრ-ისა და ა/კსფსრ შედგენილობაში შემავალი რესპუბლიკების სასამართლო დაწესებულებების პრაქტიკაში და წარუდგინოს ა/კსფსრ უზენაესი სასამართლოს პლენუმს წინადადება—ა/კსფსრ შედგენილობაში შემავალი რესპუბლიკების უზენაესი სასამართლოებისათვის საერთო-ფედერატიული კანონმდებლობის თაობაზე სახელმძღვანელო განმარტებებისა და დირექტივების მიცემის შესახებ;

ბ) თვალყური ადევნოს, რათა ა/კსფსრ შედგენილობაში შემავალი რესპუბლიკების უზენაესი სასამართლოების პლენუმთა დადგენილებები შეესაბამებოდეს მოქმედ კანონმდებლობას და ა/კსფსრ უზენაესი სასამართლოს დირექტივებს, და წარუდგინოს ა/კსფსრ უზენაესი სასამართლოს პლენუმს წინადადება იმ დადგენილებების გაუქმების შესახებ იმ შემთხვევაში და იმ წესით, რაც გათვალისწინებულია ა/კსფსრ უზენაესი სასამართლოს დებულების მე-4 მუხლის მე-4 ლიტერით;

გ) ზედამხედველობა გაუწიოს მომქმედი კანონმდებლობის სისწორით შეფარდებას ა/კსფსრ უზენაესი სასამართლოს კოლეგიებისა და სპეციალური სასა-

მართლო საკრებულოების განაჩენებში, გადაწყვეტილებებში და დადგენილებებში და შეიტანოს ა/კსფსრ უზენაესი სასამართლოს პლენუმში პროტესტები;

დ) აღძრას სისხლის სასამართლოს წესით დევნა ა/კსფსრ უზენაესი სასამართლოს მიერ განსაზღვრულ საქმეებზე; თვალყური ადევნოს გამოძიების წარმოებას ამ საქმეებზე; მისცეს ამ საქმეებს შემდგომი მსვლელობა და განახორციელოს საპროკურორო ფუნქციები სამსჯავრო და საგანმწესრიგებლო სხდომებზე ამ საქმეების გამო.

თავი 3.

ა/კსფსრ პროკურორის უფლება-მოვალეობანი.

10. ა/კსფსრ პროკურორს უფლება აქვს:

ა) წარუდგინოს სათანადო შემთხვევაში ამიერკავკასიის ცენტრალური აღმასრულებელი კომიტეტის პრეზიდიუმს და ა/კსფსრ უზენაესი სასამართლოს პლენუმს წინადადებები თავისი კომპეტენციის საკითხების გამო;

ბ) მოითხოვოს ა/კსფსრ უზენაესი სასამართლოს საგანგებო პლენუმის მოწვევა დაუყოვნებელი საკითხების განსაზღვრელად;

გ) განაპროტესტოს ამიერკავკასიის ცენტრალური აღმასრულებელი კომიტეტის პრეზიდიუმში ა/კსფსრ უზენაესი სასამართლოს პლენუმის ისეთი დადგენილება, რაც ამიერკავკასიის ცენტრალური აღმასრულებელი კომიტეტის პრეზიდიუმში არ უნდა იქნეს შეტანილი, და აგრეთვე წარუდგინოს ამიერკავკასიის ცენტრალური აღმასრულებელი კომიტეტის პრეზიდიუმს თავისი პროტესტი ა/კსფსრ უზენაესი სასამართლოს პლენუმის ისეთ დადგენილებაზე, რაც შეტანილ უნდა იქნეს ამიერკავკასიის ცენტრალური აღმასრულებელი კომიტეტის პრეზიდიუმში;

დ) იქონიოს უშუალო ურთიერთი მიზართვა თავისი კომპეტენციის საკითხების გამო ა/კსფსრ ყველა ცენტრალურ დაწესებულებასთან და აგრეთვე ა/კსფსრ შედგენილობაში შემავალი რესპუბლიკების ცენტრალური აღმასრულებელი კომიტეტების პრეზიდიუმებთან, სახალხო კომისართა საბჭოებთან და ცენტრალურ დაწესებულებებთან და აღნიშნული რესპუბლიკების პროკურორებთან, და მოსთხოვოს მათ საჭირო ცნობები და მასალები;

ე) გამოსცეს ბრძანება, ცირკულიარი, ინსტრუქცია და განმარტება, რითაც განისაზღვრება ა/კსფსრ პროკურატურისა და ა/კსფსრ შედგენილობაში შემავალი რესპუბლიკების პროკურატურის მოქმედების საფუძველი, წესი და მიმართულება;

ვ) გააუქმოს თავისი თანაშემწეების ბრძანება, ცირკულიარი, დადგენილება და განკარგულება;

ზ) მოითხოვოს ა/კსფსრ შედგენილობაში შემავალი, სათანადო რესპუბლიკის პროკურორის მეშვეობით, ამ რესპუბლიკის სასამართლო დაწესებულებაში წარმოებულ ამა თუ იმ საქმეზე დადგენილებისა, განაჩენისა და გადაწყვეტილების ასლი, ხოლო ისეთ შემთხვევაში, როდესაც ამას საჭიროდ სცნობს,—აგრეთვე იმ წარმოებულ საქმის დედანი, რომელზედაც განაჩენი და გადაწყვეტილება კანონიერ ძალაშია შესული;

თ) წინადადება მისცეს ა/კსფსრ შედგენილობაში შემავალი რესპუბლიკების პროკურორებს—შეიტანონ, ზედამხედველობის წესით, ამ რესპუბლიკების საპროკესო კანონების თანახმად, სათანადო სასამართლო ინსტანციაში, უზენაესი სასამართლოს პლენუმის ჩათვლით, განსახილველად ესა თუ ის საქმე, რომელზედაც განაჩენი თუ გადაწყვეტილება კანონიერ ძალაშია შესული, უკეთუ ამ საქმის წარმოებაში აღმოჩნდა მოქმედი კანონმდებლობის დარღვევა ან ა/კსფსრ შედგენილობაში შემავალი სხვა რესპუბლიკის ინტერესების დარღვევა;

ი) შეიჩეროს, ა/კსფსრ შედგენილობაში შემავალი სათანადო რესპუბლიკის პროკურორის მეშვეობით, ამ რესპუბლიკის სასამართლო დაწესებულების დადგენილებისა, განაჩენისა და გადაწყვეტილების აღსრულება როგორც ამა მუხლის „თ“ პუნქტით გათვალისწინებულ საქმეებზე, ისე ა/კსფსრ უზენაესი სასამართლოს პლენუმში შესატან საქმეებზე;

კ) მოითხოვოს, ზედამხედველობის წესით, ა/კსფსრ უზენაესი სასამართლოს კოლეგიებისა და სპეციალური სასამართლო საკრებულოების დამთავრებული საქმეები—გამოთხოვილ საქმეზე გამოტანილი გადაწყვეტილებისა, განაჩენისა და დადგენილების შეჩერების უფლებით;

ლ) წინადადება მისცეს ა/კსფსრ შედგენილობაში შემავალი რესპუბლიკების პროკურორებს—განაპროტესტონ არსებული წესისამებრ ზემდგომ ორგანოებში, თვით სათანადო ცენტრალური აღმასრულებელი კომიტეტის პრეზიდიუმშიაც, ამ რესპუბლიკების ცენტრალური და ადგილობრივი ორგანოების დადგენილებანი და განკარგულებანი, უკეთუ ეს დადგენილებანი და განკარგულებანი ეწინააღმდეგებიან სსრკ-ისა და ა/კსფსრ-ის კონსტიტუციისა და კანონმდებლობას;

მ) მოისმინოს მოხსენებები ა/კსფსრ შედგენილობაში შემავალი რესპუბლიკების პროკურატურის მოქმედების პერსპექტიული გეგმების შესახებ წინამდგომარე წლისთვის და აგრეთვე მოისმინოს გასული წლის ანგარიშები სამუშაოთა გეგმების აღსრულების შესახებ;

ნ) შეამოწმოს ადგილებზე ა/კსფსრ შედგენილობაში შემავალი რესპუბლიკების პროკურატურის ორგანოების მუშაობა იმ მხრით, თუ როგორ არის დაყენებული პროკურატურის კადრების საქმე, როგორ ანხორციელებენ ისინი საერთო ზედამხედველობას სოციალისტური მშენებლობისათვის ხელის შეწყობის სფეროში, რამდენად მტკიცედ იცავენ კლასობრივ პოლიტიკას და სხვა ამისთ;

ო) მოიწვიოს ა/კსფსრ შედგენილობაში შემავალი რესპუბლიკების პროკურორთა პერიოდული თათბირები როგორც თავისი ინიციატივით, ისე რესპუბლიკების პროკურორთა ინიციატივით, იმ საკითხების გადასაწყვეტად, რაც დაკავშირებულია კანონიერებისათვის საერთო ზედამხედველობის განხორციელებასთან და სასამართლო ზედამხედველობის განხორციელებასთან.

11. ა/კსფსრ პროკურორის ბრძანება, ცირკულიარი, ინსტრუქცია და განმარტება (მე-10 მუხლის „ე“ პუნ.) შეიძლება განსაჩივრებულ იქნეს მარტოოდენ ამიერკავკასიის ცენტრალური აღმასრულებელი კომიტეტის პრეზიდიუმში.

12. ა/კსფსრ პროკურორს აქვს საკანონმდებლო ინიციატივის უფლება.

13. ა/კსფსრ პროკურორს აქვს სათანადო ხმის უფლება ამიერკავკასიის ცენტრალური აღმასრულებელი კომიტეტის პრეზიდიუმისა, ა/კსფსრ სახალხო კომისართა საბჭოს, ა/კსფსრ უმაღლესი ეკონომიური საბჭოს, ა/კსფსრ სახალხო კომისართა საბჭოსთან არსებული აღსრულების შემმოწმებელი კომისიისა და აგრეთვე ა/კსფსრ სახალხო კომისარიატების კოლეგიებისა და სხვა ცენტრალური დაწესებულებების სხდომებზე.

14. უკეთეს აღმოჩნდება, რომ ა/კსფსრ შედგენილობაში შემავალი სათანადო რესპუბლიკის სახალხო კომისართა საბჭოს და ეკონომიური საბჭოს (თანბირის) ესა თუ ის დადგენილება არ შეესაბამება სსრკ-ის კონსტიტუციას ან საერთო-საკავშირო კანონმდებლობას, აგრეთვე ა/კსფსრ-ის კონსტიტუციას და კანონმდებლობას, ა/კსფსრ პროკურორი წინადადებას წარუდგენს ამის თაობაზე ზემო აღნიშნული რესპუბლიკის ცენტრალური აღმასრულებელი კომიტეტის პრეზიდიუმს.

15. ა/კსფსრ პროკურორის მიერ მიღებულ ცნობას, განცხადებას და საჩივარს მომქმედი კანონმდებლობისა თუ ა/კსფსრ უზენაესი სასამართლოს დირექტივების დარღვევის შესახებ ა/კსფსრ შედგენილობაში შემავალი სათანადო რესპუბლიკის სასამართლო დაწესებულებაში ისეთი საქმის წარმოების დროს, რომელზედაც ჯერ კიდევ გადაწყვეტილება ან განაჩენი გამოტანილი არ არის ან კანონიერ ძალაში არ შესულა, ა/კსფსრ პროკურორი გაუგზავნის ზემოაღნიშნული რესპუბლიკის პროკურორს.

16. ა/კსფსრ-ის ყველა სახალხო კომისარიატი და ცენტრალური დაწესებულება, აგრეთვე საერთო-ფედერატიული მნიშვნელობის ორგანიზაცია მოვალეა გაუგზავნოს ა/კსფსრ პროკურორს ორ ცალად ყველა თავისი ცირკულიარი, ინსტრუქცია, ცირკულიარული განკარგულება და საუწყებო ბიულეტენი, როგორც მას მიერ გამოცემული, ისე საუწყებო წესისამებრ მიღებული სსრკ-ის სახალხო კომისარიატებისა და ცენტრალური დაწესებულებებიდან.

17. ა/კსფსრ პროკურორის ზედამხედველობა ამიერკავკასიის სახელმწიფო პოლიტიკური სამმართველოს ორგანოების მოქმედებისათვის შეიცავს:

ა) მეთვალყურეობას ამიერკავკასიის სახელმწიფო პოლიტიკური სამმართველოს ორგანოების საადმინისტრაციო-საუწყებო დადგენილებებისა, ცირკულიარებისა და განკარგულებების კონსტიტუციურობისა და საერთო-საკავშირო კანონმდებლობასთან და ა/კსფსრ კანონმდებლობასთან შეთანხმებულობისათვის;

ბ) მეთვალყურეობას ამიერკავკასიის სახელმწიფო პოლიტიკური სამმართველოს ორგანოების დადგენილებებისა, განკარგულებებისა და მოქმედების კანონიერებისათვის კონკრეტულ საქმეებზე მისი სპეციალური ამოცანებისა და უფლებამოსილების სფეროში.

18. ამიერკავკასიის სახელმწიფო პოლიტიკური სამმართველოს ორგანოებისათვის ზედამხედველობის გაწევის დროს ა/კსფსრ პროკურორი იხელმძღვანელებს ამიერკავკასიის ცენტრალური აღმასრულებელი კომიტეტის პრეზიდიუმის მიერ დამტკიცებულ სპეციალურ დებულებას და, ამასთანავე, მუდმივ მიმდინარე მეთვალყურეობას იგი განახორციელებს თავისი უფროსი თანამემწის მეშვეობით,

რომელიც განწყობულია სახელმწიფო პოლიტიკური სამმართველოს ორგანოებისათვის ზედამხედველობის გასაწევად.

19. ამიერკავკასიის სახელმწიფო პოლიტიკური სამმართველოს ორგანოების იმ საადმინისტრაციო-საუწყებო დადგენილებას, ცირკულიარს და განკარგულებას, რაც გამოცემულია სსრკ-ისა თუ ა/კსფსრ-ის კონსტიტუციის დარღვევით, ან რაც ეწინააღმდეგება საერთო-საკავშირო კანონმდებლობას და ა/კსფსრ კანონმდებლობას, ა/კსფსრ პროკურორი განაპროტესტებს მე-8 მუხლის „ა“ პუნქტის წესისამებრ.

ამიერკავკასიის სახელმწიფო პოლიტიკური სამმართველოს ორგანოების უკანონო დადგენილებას, განკარგულებას და მოქმედებას კონკრეტულ საქმეზე მისი სპეციალური ამოცანებისა და უფლებამოსილების სფეროში ა/კსფსრ პროკურორი განაპროტესტებს ამიერკავკასიის ცენტრალური აღმასრულებელი კომიტეტის პრეზიდიუმში. ყველა იმ საქმეზე, რაც გაივლის ამიერკავკასიის სახელმწიფო პოლიტიკური სამმართველოს ორგანოებში, ა/კსფსრ პროკურორს და მის უფროს თანაშემწეს, ამიერკავკასიის სახელმწიფო პოლიტიკური სამმართველოს ორგანოებისათვის ზედამხედველობის გასაწევად განწყობულს, უფლება აქვთ გამოითხოვონ საქმე გასასინჯად ზედამხედველობის წესით და აგრეთვე უფლება აქვთ შეაჩერონ ამიერკავკასიის სახელმწიფო პოლიტიკური სამმართველოს ორგანოების დადგენილება, განკარგულება და მოქმედება.

შენიშვნა. ზედამხედველობას ა/კსფსრ შედგენილობაში შემავალი რესპუბლიკების სახელმწიფო პოლიტიკური სამმართველოების მოქმედებისათვის ანხორციელებენ ამ რესპუბლიკების პროკურორები.

20. ა/კსფსრ პროკურორი აღძრავს სისხლის სამართლის წესით დევნას:

ა) ისეთ საქმეზე, რომელშიაც ბრალი ედება ამიერკავკასიის ცენტრალური აღმასრულებელი კომიტეტის წევრს სახელმწიფოებრივი, თანამდებობრივი და სამეურნეო დანაშაულის ჩადენში, და აგრეთვე ისეთ განსაკუთრებული მნიშვნელობის საქმეზე, რომელიც ეხება ა/კსფსრ ინტერესებს მთლიანად ან ა/კსფსრ შედგენილობაში შემავალი რამდენიმე რესპუბლიკის ინტერესებს—ამიერკავკასიის ცენტრალური აღმასრულებელი კომიტეტის პრეზიდიუმის დადგენილების თანახმად თვითეულ ცალკე შემთხვევაში;

ბ) ა/კსფსრ უზენაესი სასამართლოს მიერ განსაზღვრულ დანარჩენ საქმეებზე—თავისი უშუალო განკარგულებით.

21. ყველა იმ საქმეზე, რაც ა/კსფსრ უზენაეს სასამართლოს ექვემდებარება, წინასწარი გამოძიება სავალდებულოა.

22. ა/კსფსრ უზენაესი სასამართლოს ქვემდებარე საქმეების წინასწარი გამოძიებისათვის, გარდა ისეთი შემთხვევისა, როდესაც გამოძიებას ამიერკავკასიის ცენტრალური აღმასრულებელი კომიტეტის პრეზიდიუმი დააკისრებს სპეციალურ საგამომძიებლო კომისიას, ა/კსფსრ პროკურორი დანიშნავს მასთან განწყობულ უდიდესი საქმეების საგამომძიებელს, ან განსაკუთრებულ საგამომძიებლო კომისიას, ან და წინადადებას მისცემს ა/კსფსრ შედგენილობაში შემავალი იმ რესპუბლიკის პროკურორს, რომლის ტერიტორიაზედაც დანაშაულია ჩადენილი, დანიშნოს ერთ-ერთი მასთან განწყობული უდიდეს საქმეთა საგამომძიებელი.

23. ა/კფსრ უზენაესი სასამართლოს ქვემდებარე საქმის წინასწარი გამოძიებისათვის საერთო მეთვალყურეობის გაწევა დაეკისრება ა/კფსრ პროკურორს.

უახლოესი უშუალო მეთვალყურეობის გაწევა თვითთული ცალკე საქმის წინასწარი გამოძიებისათვის ა/კფსრ პროკურორს შეუძლიან დააკისროს თავის მოადგილეს ან ერთ-ერთ თავის თანაშემწეს.

24. უკეთუ წინასწარ გამოძიებას აწარმოებს ა/კფსრ შედგენილობაში შემავალი სათანადო რესპუბლიკის პროკურორთან განწესებული უდიდეს საქმეთა გამოძიებელი, ა/კფსრ პროკურორი ყველა თავის წინადადებას, მინიშნებას და მოთხოვნას წარმართავს ა/კფსრ შედგენილობაში შემავალი სათანადო რესპუბლიკის პროკურორის მეშვეობით.

25. გამოძიება დამთავრებული საქმე ყველა შემთხვევაში, სხვათა შორის მაშინაც, როდესაც გამოჩვეულია საფუძვლები საქმის მოსაზრებისათვის, წარედგინება ა/კფსრ პროკურორს; ამასთანავე, ა/კფსრ შედგენილობაში შემავალი სათანადო რესპუბლიკის პროკურორთან განწესებული უდიდეს საქმეთა გამოძიებელი საქმეს წარმართავს ამ რესპუბლიკის პროკურორის მეშვეობით, რომელსაც უფლება აქვს წარადგინოს თავისი დასკვნა საქმეზე.

26. უკეთუ გამოძიება სრული ან სწორე არ არის, ა/კფსრ პროკურორს უფლება აქვს—დამატებითი საგამომძიებლო მოქმედებისათვის ან დაუბრუნოს მთელი საქმე იმავე საგამომძიებლო ორგანოს, ან გამოძიება მიანდოს სხვა საგამომძიებლო ორგანოს.

27. წინასწარი გამოძიების დამთავრებისას ისეთ საქმეზე, რომელშიაც ბრალი ედება ამიერკავკასიის ცენტრალური აღმასრულებელი კომიტეტის წევრს სახელმწიფოებრივი, თანამდებობრივი და სამეურნეო დანაშაულის ჩადენაში, ა/კფსრ პროკურორი წარუდგენს საქმეს ამიერკავკასიის ცენტრალური აღმასრულებელი კომიტეტის პრეზიდიუმს თავისი დასკვნითურთ შემდგომი წარმართვის შესახებ.

28. ა/კფსრ პროკურორი ყველა თავის წარდგინებას ა/კფსრ უზენაეს სასამართლოში და ამ სასამართლოს მიერ განსახილველ საქმეს წარმართავს ა/კფსრ უზენაესი სასამართლოს თავმჯდომარის მეშვეობით.

ა/კფსრ შედგენილობაში შემავალი რესპუბლიკების პროკურორები თავიანთ წარდგინებებს წარმართავენ ა/კფსრ უზენაეს სასამართლოში ა/კფსრ პროკურორის მეშვეობით.

29. უკეთუ ა/კფსრ პროკურორი შეიტანს ამიერკავკასიის ცენტრალური აღმასრულებელი კომიტეტის პრეზიდიუმში ან ა/კფსრ უზენაესი სასამართლოს პლენუმში კანონიერებისათვის საერთო ზედამხედველობის გაწევის საკითხებს, რაც ა/კფსრ შედგენილობაში შემავალი რესპუბლიკების კანონმდებლობას, სასამართლო პრაქტიკას ან ინტერესებს ეხება,—იგი თავისი წარდგინების ასლს გაუზიარებს სათანადო რესპუბლიკის პროკურორს.

თავისი მხრით, უკეთუ აღნიშნული რესპუბლიკების პროკურორები აღძრავენ სათანადო რესპუბლიკების ცენტრალური აღმასრულებელი კომიტეტების პრეზიდიუმების წინაშე საკითხს ამიერკავკასიის ცენტრალური აღმასრულებელი კო-

მიტეტის პრეზიდიუმში ა/კსფსრ-ის სახალხო კომისარიატებისა და სხვა ცენტრალური დაწესებულებების დადგენილებათა და განკარგულებათა განპროტესტების შესახებ,—ისინი თავიანთი წარდგინებების ასლს გაუგზავნიან ა/კსფსრ პროკურორს.

30. ა/კსფსრ პროკურორი პასუხს აგებს მარტოოდენ ამიერკავკასიის ცენტრალური აღმასრულებელი კომიტეტის პრეზიდიუმის წინაშე, რომელსაც იგი წარუდგენს ყოველ წელს ა/კსფსრ პროკურატურის მოქმედების ანგარიშს და აგრეთვე პერიოდულ მოხსენებას ამიერკავკასიის ცენტრალური აღმასრულებელი კომიტეტის პრეზიდიუმის მიერ განსაზღვრულ ვადებზე.

თავი 4.

ა/კსფსრ პროკურორის მოადგილენი და უფროსი თანაშემწენი.

31. ა/კსფსრ პროკურორის მოადგილენი განახორციელებენ ა/კსფსრ პროკურორის ყველა უფლებას და მოვალეობას, როდესაც იგი არ იმყოფება სამსახურში ავადმყოფობისა, შვებულებისა და სხვა მიზეზის გამო.

სხვა დროს ა/კსფსრ პროკურორის მოადგილენი, ა/კსფსრ პროკურორის დირექტივების შესაბამისად, განახორციელებენ ა/კსფსრ პროკურორის ცალკეულ ფუნქციებს მისი უფლებამოსილებით.

32. ა/კსფსრ პროკურორის უფროსი თანაშემწენი უშუალო ხელმძღვანელობას უწევენ ა/კსფსრ პროკურორის დირექტივების შესაბამისად:

ა) უფროსი თანაშემწე, რომელიც ეწევა საკონსტიტუციო საერთო ზედამხედველობას კანონიერებისათვის და სასამართლო ზედამხედველობას,—ა/კსფსრ პროკურატურის მთელ მუშაობას ამ ზედამხედველობის სფეროში;

ბ) უფროსი თანაშემწე, რომელიც ზედამხედველობას უწევს ამიერკავკასიის სახელმწიფო პოლიტიკური სამმართველოს ორგანოებს,—ა/კსფსრ პროკურატურის მთელ მუშაობას ამ ზედამხედველობის სფეროში;

გ) უფროსი თანაშემწე ტრანსპორტის საქმეთათვის—ამიერკავკასიის სატრანსპორტო პროკურატურის მთელ მუშაობას.

33. ა/კსფსრ პროკურორის უფროს თანაშემწეთა უშუალო ურთიერთი მითითება მათი გამგებლობის საგნების გამო ა/კსფსრ სახალხო კომისარიატებთან და სხვა ცენტრალურ დაწესებულებებთან, აგრეთვე ა/კსფსრ შედგენილობაში შემავალი რესპუბლიკების პროკურორებთან, მათ მიერ წარდგინებათა შეტანა ა/კსფსრ-ისა და ა/კსფსრ შედგენილობაში შემავალი რესპუბლიკების მთავრობისა და სასამართლოს უმაღლეს ინსტანციებში, მათი ქვემდებარე პროკურატურისადმი საერთო ხასიათის ბრძანებისა, ცირკულიარისა, ინსტრუქციისა და სხვა ამისთ. გამოცემა და აგრეთვე მათი ქვემდებარე პროკურატურის თათბირების მოწყობა—სწარმოებს ა/კსფსრ პროკურორის მიერ განსაზღვრულ წესით და ფარგლებში.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

191. ა/კსფსრ უზენაესი სასამართლოს დებულების დამტკიცების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო აღდგენენ:

1. დამტკიცებულ იქნეს ქვემოთდევნი დებულება ა/კსფსრ უზენაესი სასამართლოს შესახებ.

2. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ შვიტანონ თავიანთ კანონმდებლობაში ამა დადგენილებიდან და დებულებიდან გამომდინარე ცვლილებანი.

ამიერკავკასიის ცენტრალური აღმასრულებელი
კომიტეტის თავმჯდომარე **ა. ანანიანი.**

ა/კსფსრ სახალხო კომისართა საბჭოს
თავმჯდომარე **მ. ორახელაშვილი.**

ამიერკავკასიის ცენტრალური აღმასრულებელი
კომიტეტის მდივანი **გ. სულთანოვი.**

1931 წ. აგვისტოს 30.

ტფილისი.

დ ე ბ უ ლ ე ბ ა

ა/კსფსრ უზენაესი სასამართლოს შესახებ.

კ ა რ ი 1.

ა/კსფსრ უზენაესი სასამართლო.

თ ა გ ი 1

ძირითადი დებულებანი.

1. ა/კსფსრ-ის ტერიტორიაზე რევოლუციონური კანონიერების დამყარებისა, ა/კსფსრ შედგენილობაში შემავალი რესპუბლიკების უზენაესი სასამართლოების მიერ განსახორციელებელი სასამართლო პოლიტიკის ერთიანობის უზრუნველყოფისა და განსაკუთრებული მნიშვნელობის სისხლის სამართლისა და სამოქალაქო სამართლის საქმეთა განხილვისათვის—ამიერკავკასიის ცენტრალურ აღმასრულებელ კომიტეტთან არსდება ა/კსფსრ უზენაესი სასამართლო.

2. ა/კფსრ უზენაეს სასამართლოს დაეკისრება შემდეგი ძირითადი ფუნქციები:

- ა) განახორციელოს საერთო და სასამართლო ზედამხედველობა;
- ბ) დაამყაროს სასამართლო პოლიტიკის ერთიანობა;
- გ) შეასრულოს პირველი ინსტანციის სასამართლოს ფუნქციები;

3. რეგულირციონური კანონიერებისათვის ზედამხედველობის (საერთო ზედამხედველობის) გაწევის სფეროში ა/კფსრ უზენაესი სასამართლო:

ა) წარუდგენს ამიერკავკასიის ცენტრალური აღმასრულებელი კომიტეტის პრეზიდიუმს, მისი მოთხოვნისამებრ, დასკვნებს ა/კფსრ შედგენილობაში შემავალი რესპუბლიკების ცენტრალური აღმასრულებელი კომიტეტებისა და მათი პრეზიდიუმებისა, ა/კფსრ სახალხო კომისართა საბჭოს, ა/კფსრ უმაღლესი ეკონომიური საბჭოს და ა/კფსრ სახალხო კომისართა საბჭოსთან არსებული აღსრულების შემმოწმებელი კომისიისა და აგრეთვე სსრკ-ის სახალხო კომისარიატებისა და სხვა ცენტრალური დაწესებულებების დადგენილებათა კანონიერების შესახებ— ა/კფსრ კონსტიტუციისა და კანონმდებლობის თვალსაზრისით;

ბ) შეიტანს ამიერკავკასიის ცენტრალური აღმასრულებელი კომიტეტის პრეზიდიუმში წარდგინებას ა/კფსრ სახალხო კომისარიატებისა და სხვა ცენტრალური დაწესებულების, — გარდა ამიერკავკასიის ცენტრალური აღმასრულებელი კომიტეტისა, მისი პრეზიდიუმისა, ა/კფსრ სახალხო კომისართა საბჭოსი, ა/კფსრ უმაღლესი ეკონომიური საბჭოსი და ა/კფსრ სახალხო კომისართა საბჭოსთან არსებული აღსრულების შემმოწმებელი კომისიისა, — დადგენილებების შექარებისა და გაუქმების შესახებ, უკეთეს ეს დადგენილებები არ შეესაბამება სსრკ-ის კონსტიტუციას და საერთო-საკავშირო კანონმდებლობას, ა/კფსრ კონსტიტუციას და კანონმდებლობას და აგრეთვე სსრკ-ის სახალხო კომისარიატების დადგენილებებს;

გ) შეიტანს ამიერკავკასიის ცენტრალური აღმასრულებელი კომიტეტის პრეზიდიუმში საკითხს იმის შესახებ, რომ ა/კფსრ შედგენილობაში შემავალი რესპუბლიკების ცენტრალური აღმასრულებელი კომიტეტებისა და მათი პრეზიდიუმების ესა თუ ის დადგენილება არ ეთანხმება სსრკ-ის კონსტიტუციას და საერთო საკავშირო კანონმდებლობას და აგრეთვე ა/კფსრ კონსტიტუციას და კანონმდებლობას;

დ) განმარტავს ა/კფსრ კანონმდებლობას ამიერკავკასიის ცენტრალური აღმასრულებელი კომიტეტის პრეზიდიუმის წინადადებით და ა/კფსრ სახალხო კომისართა საბჭოს შეკითხვით, აგრეთვე ა/კფსრ შედგენილობაში შემავალი რესპუბლიკების ცენტრალური აღმასრულებელი კომიტეტებისა და სახალხო კომისართა საბჭოების, ა/კფსრ სახალხო კომისარიატებისა და სხვა ცენტრალური დაწესებულების შეკითხვით, თანაც საკუთარი ინიციატივით.

4. სასამართლო ზედამხედველობა-სა და სასამართლო პოლიტიკის ერთიანობის დამყარების სფეროში ა/კფსრ უზენაესი სასამართლო:

ა) მისცემს ა/კფსრ შედგენილობაში შემავალი რესპუბლიკების უზენაეს სასამართლოებს ა/კფსრ კანონმდებლობის სახელმძღვანელო აღსნა-განმარტებებს მათ სასამართლო პრაქტიკაში აღძრული საკითხების გამო;

ბ) მისცემს ა/კსფსრ შედგენილობაში შემავალი რესპუბლიკების უზენაეს სასამართლოებს სადირექტივო მინიშნებებს ისეთი საკითხების გამო, რაც საკურორებს სასამართლო პოლიტიკის ერთიანი ხაზის გატარებას ა/კსფსრ ტერიტორიაზე;

გ) განიხილავს ზედამხედველობის წესით ა/კსფსრ შედგენილობაში შემავალი რესპუბლიკების უზენაესი სასამართლოების პლენუმთა დადგენილებებს; ამასთანავე, მას უფლება აქვს:

1) გააუქმოს ეს დადგენილებანი, უკეთეს ისინი ეწინააღმდეგებიან სსრკ-ის კონსტიტუციას, ა/კსფსრ კონსტიტუციას, სსრკ-ისა და ა/კსფსრ-ის კანონმდებლობას, ა/კსფსრ უზენაესი სასამართლოს სადირექტივო მინიშნებებს, და აგრეთვე, უკეთეს ეს დადგენილებანი არღვევენ ა/კსფსრ შედგენილობაში შემავალი სხვა რესპუბლიკების ინტერესებს;

2) განაპროტესტოს იგივე დადგენილებანი ა/კსფსრ შედგენილობაში შემავალი სათანადო რესპუბლიკების სათანადო ცენტრალური აღმასრულებელი კომიტეტების პრეზიდიუმების წინაშე, უკეთეს ეს დადგენილებანი ეწინააღმდეგებიან აღნიშნული რესპუბლიკების მატერიალურ და პროცესუალურ კანონებს;

დ) მოისმინოს უზენაესი სასამართლოების მოხსენებანი ა/კსფსრ შედგენილობაში შემავალი რესპუბლიკების სასამართლოს ორგანოების მოქმედებისა და მათ მიერ გასახორციელებელი სასამართლო პოლიტიკის შესახებ;

ე) შეაზოწმოს, ამიერკავკასიის ცენტრალური აღმასრულებელი კომიტეტის პრეზიდიუმის სპეციალური დადგენილებისამებრ თვითეულ ცალკე შემთხვევაში, ა/კსფსრ შედგენილობაში შემავალი რესპუბლიკების სასამართლო ორგანოები მუშაობა;

ვ) შეისწავლოს ამორჩევის წესით ა/კსფსრ შედგენილობაში შემავალი რესპუბლიკების სასამართლო პრაქტიკის ცალკეული დარგები;

ზ) განიხილოს, გააუქმოს და შესცვალოს ა/კსფსრ უზენაესი სასამართლოს კოლეგიებისა და სპეციალური სასამართლო საკრებულოების განაჩენები, გადაწყვეტილებები და დადგენილებები, უკეთეს ისინი ეწინააღმდეგებიან საერთო-საკავშირო კანონმდებლობას და ა/კსფსრ კანონმდებლობას და ა/კსფსრ შედგენილობაში შემავალი რესპუბლიკების იმ მატერიალურ და პროცესუალურ კანონებს, რაც შეფარდებულ უნდა იქნეს საქმეების განხილვის დროს.

შენიშვნა. ამა მუხლის „ზ“ პუნქტში აღნიშნულ საქმეებს ა/კსფსრ უზენაესი სასამართლო განიხილავს ა/კსფსრ უზენაესი სასამართლოს თავმჯდომარის წინადადებით ან ა/კსფსრ პროკურორის პროტესტით, აგრეთვე კოლეგიებისა და სპეციალური სასამართლო საკრებულოების სხდომების თავმჯდომარეთა წარდგინებით და ამ სხდომებში მონაწილე პროკურორების პროტესტით, იმ შემთხვევაში და იმ წესით, რაც გათვალისწინებულია სათანადო საპროცესო კოდექსებით.

უკეთეს განაჩენი, გადაწყვეტილება ან დადგენილება გაუქმებულ იქნა, საქმე გადაეცემა ხელახალი განხილვისათვის, მოსამართლეთა სხვა შედგენილობაში, იმავე კოლეგიას ან ახალი შედგენილობით მოწყობილ სპეციალურ სასამართლო საკრებულოს.

ხოლო, უკეთუ აღნიშნულ განაჩენსა, გადაწყვეტილებასა და დადგენილებაში შესატანი ცვლილება არსებითი არ არის და იგი შეიძლება მოხდეს ისე, რომ საქმე ხელახლად არ იქნეს სასამართლოში განხილული, ა/კსფსრ უზენაეს სასამართლოს შეუძლიან თვით, უშუალოდ, მოახდინოს ეს ცვლილება.

5. პირველი ინსტანციის სასამართლოს სახით ა/კსფსრ უზენაესი სასამართლო:

ა) განიხილავს ისეთ საქმეებს, რომლებშიც ბრალი ედება ამიერკავკასიის ცენტრალური აღმასრულებელი კომიტეტის წევრთ სახელმწიფო, თანამდებობრივ და სამეურნეო დანაშაულის ჩადენაში, აგრეთვე ისეთ საქმეებს, რომელშიც ბრალი ედება ა/კსფსრ სხვა უმაღლეს თანამდებობის პირთ იმავე დანაშაულთა ჩადენაში, თანახმად ამიერკავკასიის ცენტრალური აღმასრულებელი კომიტეტის პრეზიდიუმის მიერ დამტკიცებული განსაკუთრებული სიისა;

ბ) განიხილავს განსაკუთრებული მნიშვნელობის სისხლის საქმებს და სამოქალაქო საქმეებს, რაც ეხება ა/კსფსრ-ის ინტერესებს მთლიანად ან ა/კსფსრ შედგენილობაში შემავალი რამდენიმე რესპუბლიკის ინტერესებს, ამიერკავკასიის ცენტრალური აღმასრულებელი კომიტეტის პრეზიდიუმის სპეციალური დადგენილებებისამებრ თვითეულ ცალკე შემთხვევაში.

6. ა/კსფსრ უზენაესი სასამართლოს ქვემდებარე საქმეების წარმოების დროს შეფარდებულ უნდა იქნეს საერთო-საკავშირო და ა/კსფსრ-ის კანონები და აგრეთვე იმ რესპუბლიკის მატერიალური და პროცესუალური კანონები, რომლის ტერიტორიაზედაც ჩადენილია დანაშაული, ან აღიძრა სადაო სამოქალაქო უფლებრივი ურთიერთობა.

7. ა/კსფსრ უზენაესი სასამართლოს ყველა შოთხოვნა მის კომპენტენციაში შემავალი საკითხების თაობაზე ცნობებისა და მასალების წარდგენის შესახებ დაუყოვნებლივ აღსრულებულ უნდა იქნეს ა/კსფსრ-სა და ა/კსფსრ შედგენილობაში შემავალი რესპუბლიკების ყველა ორგანოს მიერ.

8. ა/კსფსრ უზენაესი სასამართლოს პლენუმის ის დადგენილებანი, რაც შეტანილ არ უნდა იქნეს ამიერკავკასიის ცენტრალური აღმასრულებელი კომიტეტის პრეზიდიუმში (მე-3 მუხლის „დ“ პუნ. და მე-4 მუხლის „ა“ „ბ“ „გ“ „დ“ „ვ“ და „ზ“ პუნქტები), საბოლოოა და სავალდებულო ა/კსფსრ-ისა და ა/კსფსრ შედგენილობაში შემავალი რესპუბლიკების ყველა სასამართლო და სხვა დაწესებულებისათვის და შეიძლება განპროტესტებულ იქნეს ამიერკავკასიის ცენტრალური აღმასრულებელი კომიტეტის პრეზიდიუმში ა/კსფსრ პროკურორისა, ა/კსფსრ სახალხო კომისართა საბჭოს და ა/კსფსრ შედგენილობაში შემავალი რესპუბლიკების ცენტრალური აღმასრულებელი კომიტეტების პრეზიდიუმების მიერ.

შენიშვნა. ა/კსფსრ სახალხო კომისართა საბჭოს და ა/კსფსრ პროკურორის პროტესტი შეაჩერებს ა/კსფსრ უზენაესი სასამართლოს პლენუმის დადგენილების განხორციელებას ა/კსფსრ მთელ ტერიტორიაზე, ხოლო ა/კსფსრ შედგენილობაში შემავალი რესპუბლიკების ცენტრალური აღმას-

რულებელი კომიტეტების პრეზიდიუმების პროტესტი—სათანადო რესპუბლიკის ტერიტორიაზე.

9. ა/კსტსრ უზენაეს სასამართლოს აქვს საკანონმდებლო ინიციატივის უფლება.

თ ა ვ ი 2.

ა/კსტსრ უზენაესი სასამართლოს სტრუქტურა.

10. ა/კსტსრ უზენაესი სასამართლო მოქმედობს შემდეგი შედგენილობით:

- ა) პლენუმი;
- ბ) სამოქალაქო საქმეთა სასამართლო კოლეგია;
- გ) სისხლის საქმეთა სასამართლო კოლეგია;
- დ) სპეციალური სასამართლო საკრებულოები სისხლის საქმეთა და სამოქალაქო საქმეთათვის.

შენიშვნა. ა/კსტსრ უზენაეს სასამართლოსთან მოეწყობა ამიერკავკასიის სარკინისგზო სახაზო სასამართლო, რომელიც მოქმედობს სპეციალური კანონის საფუძველზე.

11. ა/კსტსრ უზენაესი სასამართლოს პლენუმი მოეწყობა შემდეგი შედგენილობით: ა/კსტსრ უზენაესი სასამართლოს თავმჯდომარე, ორი მისი მოადგილე, ა/კსტსრ უზენაესი სასამართლოს კოლეგიების თავმჯდომარენი და რვა წევრი, რომელთაც დანიშნავს ამიერკავკასიის ცენტრალური აღმასრულებელი კომიტეტის პრეზიდიუმი, აგრეთვე ა/კსტსრ შედგენილობაში შემავალი რესპუბლიკების უზენაესი სასამართლოების თავმჯდომარენი.

ა/კსტსრ უზენაესი სასამართლოს კოლეგიის თავმჯდომარის ავადმყოფობისა თუ სხვა პატივსაღები მიზეზის გამო არყოფნის დროს მის მაგიერობას ა/კსტსრ უზენაესი სასამართლოს პლენუმში ღწვევა კოლეგიის დროებითი თავმჯდომარე.

ა/კსტსრ შედგენილობაში შემავალი რესპუბლიკის უზენაესი სასამართლოს თავმჯდომარის ავადმყოფობისა სხვა პატივსაღები მიზეზის გამო არყოფნის დროს მის მაგიერობას ა/კსტსრ უზენაესი სასამართლოს პლენუმში ეწვევა იმავე რესპუბლიკის უზენაესი სასამართლოს თავმჯდომარის მოადგილე.

12. ა/კსტსრ უზენაესი სასამართლოს სამოქალაქო საქმეთა სასამართლო კოლეგია მოეწყობა შემდეგი შედგენილობით: თავმჯდომარე და სამი წევრი, რომელთაც გამოიყოფს ა/კსტსრ უზენაესი სასამართლოს პლენუმი ა/კსტსრ უზენაესი სასამართლოს წევრთაგან ერთი წლის ვადით.

ა/კსტსრ უზენაესი სასამართლოს სისხლის საქმეთა სასამართლო კოლეგია მოეწყობა შემდეგი შედგენილობით: თავმჯდომარე, ერთი მუდმივი წევრი, რომელსაც პერსონალურად დანიშნავს ამიერკავკასიის ცენტრალური აღმასრულებელი კომიტეტის პრეზიდიუმი, და სამი წევრი, რომელთაც გამოიყოფს ა/კსტსრ უზენაესი სასამართლოს პლენუმი ა/კსტსრ უზენაესი სასამართლოს წევრთაგან ერთი წლის ვადით.

შენიშვნა. სამოქალაქო საქმეთა სასამართლო კოლეგიისა და სისხლის საქმეთა სასამართლო კოლეგიის წევრთა არყოფნის შემთხვევაში ა/კსფსრ უზენაეს სასამართლოს თავმჯდომარეს შეუძლიან ამ კოლეგიების წევრთა მოვალეობა დროებით ა/კსფსრ უზენაესი სასამართლოს სხვა წევრებს დაეკისროს.

13. ა/კსფსრ უზენაეს სასამართლოს სპეციალურ სასამართლო საკრებულოებს მოაწურობს აღნიშნული სასამართლოს პლენუმი შემდეგი შედგენილობით: თავმჯდომარე და წევრები, რომელთაც გამოჰყოფს პლენუმი ა/კსფსრ უზენაესი სასამართლოს წევრთაგან, მისვე სათადარიგო წევრთაგან და სახალხო მსაჯულთაგან.

14. ა/კსფსრ უზენაესი სასამართლოს სათადარიგო წევრები დაინიშნებიან, უკეთუ საჭიროა, ამიერკავკასიის ცენტრალური აღმასრულებელი კომიტეტის პრეზიდუმის განსაკუთრებული დადგენილებით.

15. ა/კსფსრ უზენაეს სასამართლოსთან იმყოფებიან სახალხო მსაჯულნი 13 კაცის რიცხვით, თანახმად განსაკუთრებული სიისა, რასაც ყოველ წელს ამტკიცებს ამიერკავკასიის ცენტრალური აღმასრულებელი კომიტეტის პრეზიდენტი; მათგან 6 დამტკიცებულ იქნება იმ კანდიტატთა რიცხვიდან, რომელთაც წარადგენენ ა/კსფსრ შედგენილობაში შემავალი რესპუბლიკების ცენტრალური აღმასრულებელი კომიტეტების პრეზიდენტები, ხოლო 7—ა/კსფსრ უზენაესი სასამართლოს მიერ წარდგენილ კანდიდთა რიცხვიდან.

ა/კსფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიებისა და სპეციალური სასამართლო საკრებულოების სამსჯავრო სხდომების შედგენილობაში ცალკეული საქმეებისათვის შეიძლება დანიშნულ იქნეს თითო სახალხო მსაჯული.

ა/კსფსრ უზენაესი სასამართლოს სპეციალური სასამართლო საკრებულოს შედგენილობაში სახალხო მსაჯულს დანიშნავს ა/კსფსრ უზენაესი სასამართლოს პლენუმი, ხოლო დაუყოვნებელ შემთხვევაში—ა/კსფსრ უზენაესი სასამართლოს თავმჯდომარე.

სასამართლო კოლეგიის შედგენილობაში სახალხო მსაჯულს დანიშნავს ა/კსფსრ უზენაესი სასამართლოს თავმჯდომარე.

16. ა/კსფსრ უზენაესი სასამართლოს (პლენუმისა და კოლეგიის) წევრის სამართალში მიცემა ან დაპატიმრება, პირადი შეპყრობა თუ გაჩხრეკა არ შეიძლება ისე, თუ არა ამიერკავკასიის ცენტრალური აღმასრულებელი კომიტეტის პრეზიდენტის თანხმობით, ხოლო სასწრაფო შემთხვევაში—ამიერკავკასიის ცენტრალური აღმასრულებელი კომიტეტის თავმჯდომარის თანხმობით.

თ ა ვ ი 3.

ა/კსფსრ უზენაესი სასამართლოს პლენუმი.

17. ა/კსფსრ უზენაესი სასამართლოს პლენუმის კომპეტენციას შეადგენს:

- ა) განიხილოს მე-3, 4 და 9 მუხლებში აღნიშნული ყველა საკითხი;
- ბ) გამოჰყოს ა/კსფსრ უზენაესი სასამართლოს წევრები სამოქალაქო საქმეთა და სისხლის საქმეთა სასამართლო კოლეგიების შედგენილობაში;

გ) მოაწყოს სპეციალური სასამართლო საკრებულოები;

დ) დაამტკიცოს, ამიერკავკასიის ცენტრალური აღმასრულებელი კომიტეტის პრეზიდიუმში წარსადგენად, ა/კსფსრ უმაღლესი სასამართლოს მოქმედების წლიური ანგარიში.

18. ა/კსფსრ უზენაესი სასამართლოს პლენუმი არის მორიგი და საგანგებო.

მორიგი პლენუმი მოიწვევა ორ თვეში ერთხელ მაინც.

საგანგებო პლენუმი მოიწვევა ა/კსფსრ უზენაესი სასამართლოს თავმჯდომარის ინიციატივით, ა/კსფსრ პროკურორის მოთხოვნით და აგრეთვე არა ნაკლებ, ვიდრე პლენუმის ორი წევრის მოთხოვნით.

19. პლენუმის კანონიერებისათვის საჭიროა დაესწროს მისი ცხრა წევრი მაინც, მათ შორის არა ნაკლებ, ვიდრე ა/კსფსრ შედგენილობაში შემავალი რესპუბლიკების უზენაესი სასამართლოების ორი თავმჯდომარე.

20. პლენუმს აუცილებლად უნდა დაესწროს ა/კსფსრ პროკურორი ან მისი მოადგილე და მისცეს დასკვნები საერთო და სასამართლო ზედამხედველობის საკითხების გამო. ა/კსფსრ პროკურორის განსაკუთრებული უფლებამოსილობით დასკვნების მიცემა შეუძლიანთ აგრეთვე მის უფროს თანაშემწეებს.

პლენუმს შეიძლება დაესწრნენ ა/კსფსრ შედგენილობაში შემავალი რესპუბლიკების პროკურორნი ან მათი მოადგილენი სათათბირო ხმის უფლებით.

თავიანთი გამგებლობის საკითხების გამო პლენუმს შეიძლება დაესწრნენ სათათბირო ხმუს უფლებით ა/კსფსრ უზენაესი სასამართლოს კოლეგიების ის წევრები, რომელნიც პლენუმის შედგენილობაში არ შედიან, და აგრეთვე ა/კსფსრ პროკურორის უფროსი თანაშემწეები. ა/კსფსრ პროკურორის დანარჩენი თანაშემწეები დაესწრებიან პლენუმს სათათბირო ხმის უფლებით მხოლოდ ისეთი საქმეების გამო, რომლებშიაც უშუალოდ მონაწილეობას იღებდნენ.

21. პლენუმს თავმჯდომარეობს ა/კსფსრ უზენაესი სასამართლოს თავმჯდომარე ან მისი მოადგილე.

ა/კსფსრ უზენაესი სასამართლოს პლენუმში შეტანილ საქმეებს მოახსენებს თავმჯდომარე ან, მისი უფლებამოსილობით, მისი მოადგილე, ან და მისი ერთ-ერთი თანაშემწე.

ყველა სხვა საკითხს ა/კსფსრ უზენაესი სასამართლოს პლენუმისათვის მოახსენებლად გაანაწილებს ა/კსფსრ უზენაესი სასამართლოს თავმჯდომარე პლენუმის წევრთა შორის.

ყველა საკითხი გადაწყდება ხმის მარტივი უმეტესობით. უკეთუ ხმები თანასწორ გაიყო, ორივე ხმად-მიტკეული წინადადება წარედგინება ამიერკავკასიის ცენტრალური აღმასრულებელი კომიტეტის პრეზიდიუმში.

პლენუმის წევრებს უფლება აქვთ შეიტანონ წერილობით თავიანთი განსაკუთრებული აზრი სამი დღის განმავლობაში პლენუმის დამთავრების შემდეგ; ამასთანავე, უკეთუ კანსაკუთრებული აზრი წარიდგინება ისეთი დიდგენილების გამო, რაც შეტანილ უნდა იქნეს ამიერკავკასიის ცენტრალური აღმასრულებელი კომიტეტის პრეზიდიუმში, ამ განსაკუთრებულ აზრს ა/კსფსრ უზენაესი სასამართ-

ლოს თავმჯდომარე მოახსენებს ამიერკავკასიის ცენტრალური აღმასრულებელი კომიტეტის არეზიდუმს საკითხზე მოხსენების გაკეთების დროს.

22. ა/კსფსრ უზენაესი სასამართლოს საკომპეტენციო საკითხები შეიტანება მისდა განსახილველად ამიერკავკასიის ცენტრალური აღმასრულებელი კომიტეტის წინადადებით, ა/კსფსრ პროკურორის წარდგენით, ა/კსფსრ შედგენილობაში შემავალი რესპუბლიკების ცენტრალური აღმასრულებელი კომიტეტების ინციატივით და საკუთარი ინციატივით,

23. ა/კსფსრ პროკურორის მოთხოვნა ა/კსფსრ უზენაესი სასამართლოს საგანგებო პლენუმის მოწვევის შესახებ და წარდგინება ამა თუ იმ საკითხის ა/კსფსრ უზენაესი სასამართლოს პლენუმში განსახილველად შეტანის შესახებ, აგრეთვე მოთხოვნა ა/კსფსრ უზენაესი სასამართლოს კოლეგიებიდან და სპეციალური საკრებულოებიდან საქმეების წარგზავნის შესახებ—ზედამხედველობის წესით განსახილველად—სავალდებულოა ა/კსფსრ უზენაეს სასამართლოსათვის.

24. უკეთუ ა/კსფსრ უზენაესი სასამართლოს პლენუმი მიიღებს ისეთ დადგენილებას, რაც არ ეთანხმება ა/კსფსრ პროკურორის წარდგინებას ან დასკვნას, იგი მოვალეა აღნიშნოს ა/კსფსრ პროკურორის წარდგინებისა თუ დასკვნის უარყოფის მოტივები.

25. ა/კსფსრ შედგენილობაში შემავალი რესპუბლიკების პროკურორები თავიანთ წარდგინებებს წარმართავენ ა/კსფსრ უზენაესი სასამართლოს პლენუმში ა/კსფსრ პროკურორის მეშვეობით.

თ ა ვ ი 4.

ა/კსფსრ უზენაესი სასამართლოს თავმჯდომარე.

26. ა/კსფსრ უზენაესი სასამართლოს თავმჯდომარეს, ა/კსფსრ უზენაესი სასამართლოს პლენუმში თავმჯდომარეობის გარდა, დაეკისრება აგრეთვე:

ა) თვალყური ადევნოს, ა/კსფსრ უზენაესი სასამართლოს პლენუმის მიწინაშეობის თანახმად, ა/კსფსრ უზენაესი სასამართლოს ყველა კოლეგიის მოქმედებას;

ბ) განამზადოს და შეიტანოს განსახილველად ა/კსფსრ უზენაეს სასამართლოს პლენუმებში ამ პლენუმების საკომპეტენციო საკითხები;

გ) დანიშნოს სამოქალაქო საქმეთა და სისხლის საქმეთა სასამართლო კოლეგიების სამსჯავრო სხდომებში მეთავმჯდომარენი და წევრნი, უკეთუ ამ კოლეგიების თავმჯდომარენი და წევრნი არ იმყოფებიან;

დ) დაამტკიცოს შემდგომი წარმართვისათვის ა/კსფსრ უზენაესი სასამართლოს ხარჯთაღრიცხვისა და შტატების პროექტი;

ე) შეადგინოს კოლეგიების ანგარიშების საფუძველზე ა/კსფსრ უზენაესი სასამართლოს საერთო ანგარიში;

ვ) უშუალო ხელმძღვანელობა გაუწიოს ა/კსფსრ უზენაესი სასამართლოს საადმინისტრაციო-სამეთურნეო აპარატს.

27. ა/კსფსრ უზენაესი სასამართლოს თავმჯდომარე ანხორციელებს წარმომადგენლობას ამ სასამართლოს სახელით.

ა/კსფსრ უზენაესი სასამართლოს თავმჯდომარეს აქვს სათათბირო ხმის უფლება ამიერკავკასიის ცენტრალური აღმასრულებელი კომიტეტის პრეზიდიუმში, ა/კსფსრ სახალხო კომისართა საბჭოში, ა/კსფსრ უმაღლეს ეკონომიურ საბჭოში და ა/კსფსრ სახალხო კომისართა საბჭოსთან არსებულ აღსრულების შემოწმებელ კომისიაში.

28. უზენაესი სასამართლოს თავმჯდომარეს უფლება აქვს მიიღოს თავის თავზე თავმჯდომარეობა ა/კსფსრ უზენაესი სასამართლოს ყველა კოლეგიის სამსჯავრო და განმწესრიგებელ სხდომებში.

29. ა/კსფსრ უზენაესი სასამართლოს თავმჯდომარეს უფლება აქვს წინადადება მისცეს ა/კსფსრ შედგენილობაში შემავალი რესპუბლიკების უზენაესი სასამართლოების თავმჯდომარეებს შეიტანონ ხოლმე, ზედამხედველობის წესით, ამ რესპუბლიკების საპროცესო კანონების თანხმად, სათანადო სასამართლო ინსტანციების მიერ განსახილველად, თვით რესპუბლიკის უზენაესი სასამართლოს პლენუმშიაც, ესა თუ ის საქმე, რომელზედაც განაჩენი და გადაწყვეტილება კანონიერ ძალაშია შესული, უკეთუ გამომავარაგებულ იქნება, რომ ამ საქმის წარმოების დროს დარღვეულია სსრკ-ის და ა/კსფსრ კონსტიტუცია და მოქმედი კანონმდებლობა და აგრეთვე, უკეთუ დარღვეულია ა/კსფსრ შედგენილობაში შემავალი სხვა რესპუბლიკების ინტერესები.

30. ა/კსფსრ უზენაესი სასამართლოს თავმჯდომარეს უფლება აქვს:

ა) გამოითხოვოს გადასათვალისწინებლად ყველა წარმოება-დამთავრებული საქმე ა/კსფსრ შედგენილობაში შემავალი რესპუბლიკების სასამართლო ორგანოებიდან;

ბ) შეაჩეროს ამ რესპუბლიკების უზენაესი სასამართლოების პლენუმების დადგენილებანი გადათვალისწინებამდე ან ა/კსფსრ უზენაესი სასამართლოს პლენუმის მიერ უწყებულ საქმეზე დადგენილების გამოტანამდე;

გ) შეაჩეროს ა/კსფსრ შედგენილობაში შემავალი რესპუბლიკების სასამართლო ორგანოების განაჩენები, გადაწყვეტილებები და დადგენილებები, უკეთუ საქმე განსახილველად გადაცემულ იქნება ზემდგომ ინსტანციაში ანა დებულების 29 მუხლის წესისამებრ.

31. ა/კსფსრ უზენაესი სასამართლოს თავმჯდომარის მოადგილე ანხორციელებს ა/კსფსრ უზენაესი სასამართლოს თავმჯდომარის ყველა უფლება-მოვალეობას, უკეთუ თავმჯდომარე არ იმყოფება ავადმყოფობისა, შებულებისა ან სხვა გარემოების გამო; სხვა დროს ანხორციელებს, ა/კსფსრ უზენაესი სასამართლოს თავმჯდომარის ანა თუ იმ ცალკეულ ფუნქციას მისი უფლებამოსილობით და მინიშნებების შესაბამისად.

თ ა ვ ი ნ .

ა/კფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიები და სპეციალური სასამართლო საკრებულოები.

32. ა/კფსრ უზენაესი სასამართლოს სამოქალაქო საქმეთა სასამართლო კოლეგია განიხილავს მე-5 მუხლის „ბ“ პუნქტში აღნიშნულ სამოქალაქო საქმეებს, გარდა ისეთი საქმისა, რაც, ამიერკავკასიის ცენტრალური აღმასრულებელი კომიტეტის პრეზიდიუმის განსაკუთრებული დადგენილების თანახმად თვითივე ცალკე შემთხვევაში, გადაცემულია განსახილველად ა/კფსრ უზენაესი სასამართლოს სპეციალურ სასამართლო საკრებულოში.

ა/კფსრ უზენაესი სასამართლოს სისხლის საქმეთა სასამართლო კოლეგია განიხილავს სისხლის საქმეებს, რომლებშიაც ბრალი ედებათ ა/კფსრ უმაღლესი თანამდებობის პირთ, — გარდა ამიერკავკასიის ცენტრალური აღმასრულებელი კომიტეტისა, ა/კფსრ სახალხო კომისართა საბჭოს და ა/კფსრ უმაღლესი ეკონომიური საბჭოს წევრებისა, — მე-5 მუხლის „ა“ პუნქტით გათვალისწინებულ დანაშაულთა ჩადენაში; განიხილავს აგრეთვე მე-5 მუხლის „ბ“ პუნქტში აღნიშნულ სისხლის საქმეებს, გარდა ისეთი საქმისა, რაც ამიერკავკასიის ცენტრალური აღმასრულებელი კომიტეტის პრეზიდიუმის განსაკუთრებული დადგენილების თანახმად თვითივე ცალკე შემთხვევაში, გადაცემულია განსახილველად ა/კფსრ უზენაესი სასამართლოს სპეციალურ სასამართლო საკრებულოში.

სპეციალური სასამართლო საკრებულო განიხილავს საქმეებს, რომლებშიაც ბრალი ედებათ ამიერკავკასიის ცენტრალური აღმასრულებელი კომიტეტისა, ა/კფსრ სახალხო კომისართა საბჭოს და ა/კფსრ უმაღლესი ეკონომიური საბჭოს წევრებს მე-5 მუხლის „ა“ პუნქტით გათვალისწინებულ დანაშაულთა ჩადენაში; განიხილავს აგრეთვე მე-5 მუხლის „ბ“ პუნქტში აღნიშნულ სისხლის და სამოქალაქო საქმეებს, რაც, ამიერკავკასიის ცენტრალური აღმასრულებელი კომიტეტის პრეზიდიუმის განსაკუთრებული დადგენილების თანახმად თვითივე ცალკე შემთხვევაში, ამ საკრებულომ უნდა განიხილოს.

33. ა/კფსრ უზენაესი სასამართლოს სამოქალაქო საქმეთა სასამართლო კოლეგიისა და სისხლის საქმეთა სასამართლო კოლეგიის განმწესრიგებელი და სამსჯავრო სხდომები მოხდება სამი პირის შედგენილობით, ხოლო სპეციალური სასამართლო საკრებულოს სხდომები — ამა თუ იმ საქმისათვის მოწყობილი სპეციალური სასამართლო საკრებულოს მთელი შედგენილობით.

34. ამა თუ იმ საქმისათვის ა/კფსრ უზენაესი სასამართლოს სპეციალური სასამართლო საკრებულოს მოწყობამდე დაუყოვნებელი საკითხები აღნიშნული საქმის გამო განიხილება სისხლის საქმეთა და სამოქალაქო საქმეთა სასამართლო კოლეგიების განმწესრიგებელ სხდომებზე — კუთვნილებისამებრ.

35. ა/კფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიებისა და სპეციალური სასამართლო საკრებულოს განმწესრიგებელ სხდომებზე აუცილებლად გამოწვეულ უნდა იქნეს ა/კფსრ პრო-

კურატურის წარმომადგენელი, ხოლო მისი გამოუცხადებლობა განმწესრიგებელ სხდომას ვერ შეაჩერებს.

36. ა/კსფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიებისა და სპეციალური სასამართლო საკრებულოს განაჩენი და გადაწყვეტილება გამოიტანება ამიერკავკასიის სოციალისტური ფედერატიული საბჭოთა რესპუბლიკის სახელით.

37. ა/კსფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიებისა და სპეციალური სასამართლო საკრებულოს განაჩენა, გადაწყვეტილება და დადგენილება არ განისაზივრება საკასაციო წესით და შეიძლება გაუქმებულ ან შეცვლილ იქნეს ა/კსფსრ უზენაესი სასამართლოს პლენუმის მიერ ზედამხედველობის წესისამებრ მე-4 მუხლის „ზ“ პუნქტში აღნიშნულ საფუძვლებზე.

38. ა/კსფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიებისა და სპეციალური სასამართლო საკრებულოს განაჩენს, გადაწყვეტილებას და დადგენილებას და აგრეთვე ამ განაჩენზე, გადაწყვეტილებაზე და დადგენილებაზე ა/კსფსრ უზენაესი სასამართლოს პლენუმის მიერ გამოტანილ დადგენილებას აღასრულებენ ა/კსფსრ შედგენილობაში შემავალი რესპუბლიკების სათანადო ორგანოები აღსრულების ადგილის მიხედვით.

39. ა/კსფსრ უზენაესი სასამართლოს სისხლის საქმეთა კოლეგიისა და სპეციალური სასამართლო საკრებულოს მიერ მსჯავრდადებულ პირთ ვადამდე პირობითს განთავისუფლებას შეუფარდებს სისხლის საქმეთა სასამართლო კოლეგია.

40. შუამდგომლობა ვადამდე პირობით განთავისუფლების შესახებ განიხილება სასჯავრო სხდომაზე ა/კსფსრ პროკურატურის წარმომადგენლის მონაწილეობით და აგრეთვე მსჯავრდადებულთა და შუამდგომლობის აღმძვრელ პირთა და ორგანოების წარმომადგენელთა დაბარებით.

მსჯავრდადებულისა და აგრეთვე შუამდგომლობის აღმძვრელ პირთა და ორგანოების წარმომადგენელთა გამოუცხადებლობა ვერ შეაჩერებს საქმის განხილვას.

ადგილობრივი განმანაწილებელი კომისიის წარმომადგენლის დასწრება სავალდებულოა, უკეთეს შუამდგომლობა ვადამდე პირობით განთავისუფლების შესახებ განიხილება მსჯავრდადებულის სამყოფელ ადგილას.

ხოლო, უკეთეს შუამდგომლობა განიხილება მსჯავრდადებულის სამყოფელი ადგილის გარეშე, სათანადო განმანაწილებელ კომისიას უფლება აქვს წარადგინოს თავისი დასკვნა.

41. ა/კსფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიები ურთიერთისადმი მიმართვას სსრკ-ის და მოკავშირე რესპუბლიკებისა და აგრეთვე ა/კსფსრ ისა და ა/კსფსრ შედგენილობაში შემავალ რესპუბლიკების სახალხო კომისარიატებთან და სხვა ცენტრალურ დაწესებულებებთან აწარმოებენ ა/კსფსრ უზენაესი სასამართლოს თავ-რის მეშვეობით.

სხვა ორგანოებთან და პირებთან ურთიერთ მიმართვას აღნიშნული კოლეგიები ახსორციელებენ უშუალოდ.

42. ა/კფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიებისა და სპეციალური სასამართლო საკრებულოს ყველა მოთხოვნა და განკარგულება მოწმეთა დაკითხვისა და გამოწვევისა, ექსპერტიზის წარმოებისა და სხვა სასამართლო მოქმედების შესახებ სავალდებულოა ა/კფსრ-ისა და ა/კფსრ შედგენილობაში შემავალი რესპუბლიკების ყველა სასამართლო და სხვა ორგანოსათვის.

43. ა/კფსრ უზენაესი სასამართლოს სამოქალაქო საქმეთა და სისხლის საქმეთა სასამართლო კოლეგიების თავმჯდომარეთ დაეკისრებათ:

ა) კოლეგიების განმწესრიგებელ და სამსჯავრო სხდომებზე თავმჯდომარეობა;

ბ) კოლეგიაში შესული საქმეების კოლეგიის წევრთა შორის განაწილება ამ საქმეების განმწესრიგებელ და სამსჯავრო სხდომებზე განხილვისათვის მონაზღაურებად;

გ) ა/კფსრ უზენაესი სასამართლოს თავმჯდომარესთან შეთანხმებით გასახლეი სესიების დანიშვნა—ა/კფსრ უზენაესი სასამართლოს თავმჯდომარისათვის თვითელი სესიის პერსონალური შედგენილობის შეტყობინებით;

დ) ა/კფსრ უზენაესი სასამართლოს საერთო ანგარიშში მოსათავსებელი კოლეგიების მოქმედების ანგარიშების შედგენა და ა/კფსრ უზენაესი სასამართლოს თავმჯდომარისათვის წარდგენა;

ე) ადმინისტრატიული ხასიათის საგანკარგულებო ფუნქციების განხორციელება.

44. სამოქალაქო საქმეთა და სისხლის საქმეთა სასამართლო კოლეგიების წევრთა მოვალეობას შეადგენს:

ა) მონაწილეობა მიიღონ კოლეგიების სამსჯავრო და განმწესრიგებელ სხდომებში;

ბ) წარადგინონ კოლეგიების სხდომებზე მოხსენებები ცალკეულ საკითხთა და საქმეთა შესახებ;

გ) შეასრულონ სპეციალური მინდობილობანი, რასაც მათ ა/კფსრ უზენაესი სასამართლოს პლენუმი, მისი თავმჯდომარე ან კოლეგიის თავმჯდომარე დააკისრებენ.

დადგენილება ამიერკავკასიის ცენტრალური აღმასრულებელი კომიტეტისა.

192. სასოფლო საბჭოების დათვალიერების თვიურის ვადის განგრძობის შესახებ.

ამიერკავკასიის ცენტრალური აღმასრულებელი კომიტეტი ადგენს:

„სასოფლო საბჭოების დათვალიერების თვიურის ჩატარების შესახებ“ გამოცემული ამიერკავკასიის ცენტრალური აღმასრულებელი კომიტეტის პრეზი-

დიუმის ა/წ. აგვისტოს 2-ის დადგენილებით თვიურის ჩატარებისათვის განსაზღვრული ვადა განგრძობილ იქნეს სექტემბრის 25-მდე.

ამიერკავკასიის ცენტრალური
აღმასრულებელი კომიტეტის თავმჯდომარე ა. ანანიანი.

ამიერკავკასიის ცენტრალური
აღმასრულებელი კომიტეტის მდივანი გ. სულთაოვი

1931 წ. აგვისტოს 29.
ტფილისი.

დადგენილება ა/კსფსრ სახალხო კომისართა საბჭოსი.

193. სექტემბრის 1-თვის სამომხმარებლო კოოპერაციისა და მომარაგების სახალხო კომისარიატის შენაერთებისათვის იმ სადგომების გადაცემის შესახებ, რომლებშიაც წინად ხორცისა, თევზისა, ბოსტნეულისა და რძის ვაჭრობა სწარმოებდა.

ა/კსფსრ სახალხო კომისართა საბჭო ადგენს:

დაევალოს ყველა საქალაქო საბჭოს და სარაიონო აღმასრულებელ კომიტეტს გადასცეს, არა უგვიანეს 1931 წ. სექტემბრის 1-სა, სამომხმარებლო კოოპერაციის და მომარაგების სახალხო კომისარიატის შენაერთებს, მათი საეაქრო ქსელის გეგმების შესაბამისად, ყველა ის საეაქრო სადგომი, რომელიც გამოყენებული არადანიშნულებისამებრ და რომელშიაც წინად ხორცის, თევზის, ბოსტნეულის და რძის ვაჭრობა სწარმოებდა.

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. თ. მელნიკოვი.

1931 წ. აგვისტოს 26.

№ 393.

ტფილისი

გამოქვეყნებულია „ზარია ვოსტოკა“-ს 236 №-ში 1931 წ. აგვისტოს 28-ს.

დადგენილება ა/კსფსრ სახალხო კომისართა საბჭოსი.

194. სარკინისგზო საწყობების თავის დროზე განტვირთვის ღონისძიებათა შესახებ.

ა/კსფსრ სახალხო კომისართა საბჭო ადგენს:

1. სარკინისგზო საწყობების თავის დროზე განტვირთვისა და აგრეთვე ყველა ახლად მოსახიდი ტვირთისათვის მოძრავი შედგენილობის განთავისუფლების მიზნით—სარკინისგზო საწყობებში ტვირთის შენახვის ზღვრულ ვადად დაწესებულ იქნეს ხუთი დღედაღამე.

2. 1-ლ მუხლში აღნიშნული ვადის გასვლისას ის ტვირთი, რაც მიღებული არ არის, ლიკვიდირებულ იქნეს საერთო საფუძველზე, როგორც მოუკითხავი ტვირთი.

3. წინადადება მიეცეს ყველა უწყებას, დაწესებულებას და საწარმოს გამოზიდოს მისი ადრესით მოსული ტვირთი, რაც ამჟამად სარკინისგზო საწყობებში ინახება, 15 დღის ვადაზე დღიდან ამა დადგენილების გამოქვეყნებისა.

4. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს:

ა) იხმარონ სასწრაფო ღონისძიება, რათა პირველ რიგში ავტოტრანსპორტით და ჰაპანზიდვით უზრუნველყოფილ იქნეს სარკინისგზო სადგომებიდან ტვირთის გამოზიდვა;

ბ) მოაწყონ ტვირთის გამოზიდვისათვის თვალყურის სადევნებლად სამეულები, გაერთიანებული სახელმწიფო პოლიტიკური სამმართველოს საგზაო-სატრანსპორტო განყოფილების წარმომადგენლის მონაწილეობით.

5. წინადადება მიეცეს სსრკ-ის გზათა სახალხო კომისარიატის რწმუნებულს ა/კსფსრ-ში, გზათა სახალხო კომისარიატის ეკონომიური-საგეგმო სამმართველოს მეშვეობით, მტკიცედ შეუფარდოს ხოლმე ტვირთის მიმღებთ მისთვის მინიჭებული უფლება მათი დაჯარიმებისა ტვირთის გამოუზიდველობისათვის.

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ა/კსფსრ სახალხო კომისართა საბჭოს
საქმეთა მმართვე. თან. დრ. აღმსრ. თ. მელნიკოვი.

1931 წ. აგვისტოს 26

№ 394.

ტფილისი.

გამოქვეყნებულია „ზარია ვოსტოკა“-ს 237 №-ში 1931 წ. აგვისტოს 29-ს.

დადგენილება ა/კსფსრ სახალხო კომისართა საბჭოსი.

195. საუწყებო მილიციის შესანახად საჭირო სპეციალური სახსარის დებულების დამტკიცების შესახებ.

ა/კსფსრ სახალხო კომისართა საბჭო ადგენს:

1. დამტკიცებულ იქნეს ქვემოთდგენო დებულება საუწყებო მილიციის შესანახად საჭირო სპეციალური სახსარის შესახებ.
2. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ გამოსცენ ამა დადგენილების საფუძველზე ანალოგიური დებულება.

ა/კსფსრ სახალხო კომისართა

საბჭოს თავმჯდომარე **მ. ორახელაშვილი.**

ა/კსფსრ სახალხო კომისართა საბჭოს საქმეთა

მმართველის თან. დრ. აღმ. თ. მელნიკოვი.

1931 წ. აგვისტოს 26.

№ 396.

ტფილისი.

დ ე ბ უ ლ ე მ ბ ა

საუწყებო მილიციის შესანახად საჭირო სპეციალური სახსარის შესახებ.

1. საუწყებო მილიციის შესანახი სახსარი შეიქმნება იმ დაწესებულებათა, საწარმოთა და ორგანიზაციათა მიერ საამისოდ გადადებული ასსიგნებისაგან, რომელთაც ადგილობრივ სამმართველოებთან დადებული აქვთ განსაკუთრებული ხელშეკრულებები მათი ტერიტორიებისა თუ ობიექტების სპეციალურად დაცვის შესახებ.

2. ა/კსფსრ შედგენილობაში შემავალი რესპუბლიკებისა, ავტონომიური რესპუბლიკებისა და ავტონომიური ოლქების ცენტრებში, აგრეთვე დამოუკიდებელ საადმინისტრაციო-ტერიტორიალურ ერთეულებად გამოყოფილ ქალაქებში 1-ლ მუხლით გათვალისწინებულ ხელშეკრულებებს დასდებენ რესპუბლიკებისა, ავტონომიური რესპუბლიკებისა და ავტონომიური ოლქების მილიციის სამართველოები, ხოლო რაიონის ტერიტორიაზე—მილიციის სარაიონო სამმართველო, რომლის მიერ დადებულ ხელშეკრულებას დამტკიცებს რესპუბლიკისა, ავტონომიური რესპუბლიკისა და ავტონომიური ოლქის მილიციის სათანადო სამმართველო.

3. დაწესებულებათაგან, საწარმოთაგან და ორგანიზაციათაგან საუწყებო მილიციის შესანახად მიღებული ყველა თანხა რესპუბლიკისა, ავტონომიური რესპუბლიკისა და ავტონომიური ოლქის მილიციის სამმართველოს მიზნობრივი სახსარია და იხარჯება მხოლოდ საუწყებო მილიციის შესანახად.

შენიშვნა. სახელმწიფო და ადგილობრივ ბიუჯეტზე მყოფი დაწესებულებანი სათანადო ასიგნებს გაატარებენ თავიანთ ხარჯთაღრიცხვებში.

4. საუწყებო მილიციის შესანახად გადადებულ ასიგნებს ყველა საწარმო, დაწესებულება და ორგანიზაცია შეიტანს რესპუბლიკისა, ავტონომიური რესპუბლიკისა და ავტონომიური ოლქის მილიციის მთავარ სამმართველოს მიმდინარე ანგარიშზე ადგილობრივ საკრედიტო დაწესებულებაში, ხელშეკრულებით გათვალისწინებულ ვადაზე და წესისამებრ.

5. საუწყებო მილიციის შესანახად მიღებული სახსარის წესიერად და მიზანშეწონილად გამოყენებისათვის თვალყურისდევნება დაეკისრება რესპუბლიკების სახალხო კომისართა საბჭოებთან არსებულ მილიციის მთავარ სამმართველოებს.

6. საუწყებო მილიციის საშემოსავლო და საგასავლო ხარჯთაღრიცხვებს, მას შემდეგ, რაც მათ დამტკიცებენ ავტონომიური რესპუბლიკებისა და ავტონომიური ოლქების მილიციის სამმართველოები, წარადგენენ შეჯამილილად რესპუბლიკების მილიციის მთავარი სამმართველოები.

7. საუწყებო მილიციის შესანახი ხარჯთაღრიცხვის ნომენკლატურა დადგენილ უნდა იქნეს ა/კ/ფსრ შედგენილობაში შემავალი რესპუბლიკების საერთო მილიციის ორგანოების ხარჯთაღრიცხვის ნომენკლატურის მიხედვით.

8. დაწესებულებისა, საწარმოს და ორგანიზაციის განცხადება დამატებითი პოსტების დადგენისა და ახალი ობიექტების დაცვის ორგანიზაციის შესახებ, ხელშეკრულებაში გათვალისწინებულთა ზედმეტად, გაფორმებულ უნდა იქნეს დამატებითი ხელშეკრულების დადების წესით.

9. ხელშეკრულება დაიდება არა ნაკლებ, ვიდრე ერთი საბიუჯეტო წლის ვადით.

პოსტების შემცირება ან ობიექტების დაცვის მოხსნა განცხადებულ უნდა იქნეს არა უგვიანეს სამი თვისა ახალი საბიუჯეტო წლის დაწყებამდე.

10. საუწყებო მილიციის შემოსავალ-გასავლის ხარჯთაღრიცხვებს რესპუბლიკებისა, ავტონომიური რესპუბლიკებისა და ავტონომიური ოლქების მილიციის სამმართველოები წარუდგენენ განსახილველად ფინანსთა სახალხო კომისარიატის სათანადო რესპუბლიკანურ და საოლქო ორგანოებს საერთო მილიციის შესანახ ხარჯთაღრიცხვასთან ერთად.

11. ნაშთი საბიუჯეტო წლის განმავლობაში გამოუყენებელი სახსრისა, რაც მიღებულია საუწყებო მილიციის შესანახად, ახალ საბიუჯეტო წელიწადში მომარდება საერთო მილიციის მატერიალური მდგომარეობის გაუმჯობესებას.

დადგენილება ა/კსუსრ სახალხო კომისართა საბჭოსთან არსებული აღსრულების ფემიოფემბალი კომისიისა.

196. ა/კსუსრ გზატკეცილებისა, ყაშირგზებისა და საავტომობილო ტრანსპორტის მთავარი სამმართველოს და ამიერკავკასიის მუხამბეობის კომიტეტის მოხსენების გამო — ბაშის გადასაზიდად გზების მზადმყოფობის შესახებ.

მოისინია-რა ა/კსუსრ გზატკეცილებისა, ყაშირგზებისა და საავტომობილო ტრანსპორტის სამმართველოს — ამხ. იაშვილის — და ამიერკავკასიის მუხამბეობის კომიტეტის — ამხ. კუხნიცოვის — ცნობა ბაშის გადასაზიდად გზების განმზადებისათვის წარმოებული მუშაობის მსვლელობის შესახებ, — ა/კსუსრ სახალხო კომისართა საბჭოსთან არსებული აღსრულების შემმოწმებელი კომისია აღნიშნავს, რომ, რადგანაც საქართველოს სსრ-ში არ სწარმოებდა ადგილობრივი მნიშვნელობის სამუშაოები, ხოლო აზერბაიჯანის სსრ-ის საბამბე რაიონებში თვალსაჩინოდ დაგვიანდა სარემონტო სამუშაოების ორგანიზაცია და ადგილობრივმა ორგანოებმა ნაკლებად მიაქციეს ყურადღება იმას, რომ გზები ზიდვისათვის ვარგებელიყო, საბამბე რაიონებში გზების მდგომარეობა ამჟამადაც საფრთხეს წარმოაოგენს.

ამისდამიხედვით ა/კსუსრ სახალხო კომისართა საბჭოსთან არსებული აღსრულების შემმოწმებელი კომისია ადგენს:

1. აღინიშნოს, რომ ცნობები იმის შესახებ, თუ როგორ მიმდინარეობს მუშაობა სომხეთის სსრ საბამბე რაიონებში, წარმოდგენილი არ არის და მიიქცეს სომხეთის სსრ სახალხო კომისართა საბჭოს ყურადღება იმ გარემოებაზე, რომ ეს მოვლენა შეუწყნარებელია.

2. მიექცეს საქართველოს სახალხო კომისართა საბჭოს ყურადღება იმ გარემოებას, რომ საჭიროა სარაიონო აღმასრულებელმა კომიტეტებმა დაუყოვნებლზე ჰოაწყონ მუშაობა საბამბე რაიონებში გზების საზიდავ გზებად გადაქცევისათვის; აგრეთვე მიექცეს აზერბაიჯანის სსრ სახალხო კომისართა საბჭოს ყურადღება იმას, რომ საჭიროა მიღებულ იქნეს ყოველი ღონისძიება, რათა ბაშის გადაზიდვის დაწყებამდე დაჩინილი დრო აუცილებლად მოხმარდეს გზების საზიდავ გზებად გადაქცევის საბამბე რაიონებში.

3. წინადადება მიეცეს აზერბაიჯანის სსრ სახალხო კომისართა საბჭოს — სასწრაფოდ გადაგზავნოს სამუშაოთა ადგილას ჰეიდარ-კოჩარლუში დროებითი ორი სატვირთო მანქანა ამ გზაზე წარმოებული მუშაობის დასამთავრებლად.

4. მიენდოს ამხ. იაშვილს და ამხ. კურბაკოვს — სამი დღის განმავლობაში შეთანხმდნენ ყარა-ქალისა, ჰეიდარისა, ალჯაბდისა, გიაურ არხისა, დელიბურუნისა და სალიან-პუშკინის საბჭოთა მეურნეობების მეურნეობებშიგნითი გზების მშენებლობაში საერთო მონაწილეობის შესახებ (საშინი მასალით უზრუნველყოფა).

5. სექტემბრის 9-ს საკითხი კვლავ მოსმენილ იქნეს ა/კსფსრ სახალხო კომისართა საბჭოსთან არსებული აღსრულების შემმოწმებელი კომისიის სხდომაზე.

აღსრულების შემმოწმებელი კომისიის
თავმჯდომარე მ. ორახელაშვილი.

აღსრულების შემმოწმებელი კომისიის
მდივანი თ. მელნიკოვი.

1931 წ. აგვისტოს 19.

№ 24.

ტფილისი.

